

խնամակա՛ն կապերով, այնպէ՛ս որ քիւրդն ու հայը պիտի կարողանային աղջիկ տալ ու առնուլ, առանց կրօնի ու ցեղի խտրութեան, առ այժմ ամեն մէկը պահելով իր կրօնի ու ցեղի ազատութիւնը: (*)

Պարսիկ իշխանութեան արդէն իրենք ձիւնարկել էին դիմել, Մէլիքզատեան անուն պարսկաստանցի հայու մը միջոցով՝ որուն մէկ եղբայրը Շահի պալատականներէն էր (**):

Պէտրիխանը և առաջադրած էր կ'ըսեն, զինարան մը հիմնել իր իշխանութեան մէջ, և ադոր համար կ'ուզէր ար-

(*) Դօքտ. Ղեփսուսի «Տէր Բրիստիխէ Օրիէնդ» (Բրիստոնէական Արևելքը) 1904 Նոյ. ամսաթերթի մէջ կը գտնենք հետեւեալ տեսութիւնները «Բիւրդեր և Հայեր» վերնագրին տակ:

«Անցած դարուն մինչև քառասնական թուականներուն վերջը՝ Փոքր-Ասիոյ այլ և այլ գաւառներու վրայ Սուլթանի իշխանութիւնը պարզ անուանական էր. իրականին մէջ՝ երկիրը զանազան իշխաններուն և բէգերուն կը վերաբերէր, որոնք տարուէ տարի Սուլթանի գանձուն որոշ տուրք մը կը հատուցանէին, բայց իրենց երկրին վրայ իշխանութիւնը անձամբ վարելով:

Զինուորական ծառայութեան պարտաւորեալ չէին, սակայն ի հարկին Սուլթանը կրնար ասոնցմէ օգնական զունդեր խնդրել, և այս պարագային՝ իրենք պարտաւորեալ կ'ըլլային որոշ թուով զինուոր տալու:

Պատահած է որ այս իշխանները և բէգերը իրենց իշխանութեանը Սուլթանին կողմէն սպառնալիք եղած միջոցին կը միանային և հասարակաց ուժով Սուլթանական իշխանութեան դէմ կ'ըմբոստանային: Իսկ Հայկական գաւառները Բիւրդական իշխաններու ձեռքով կը կառավարուէին որբւոց որդիւ Այապէս՝ Պայաղիտ և Ալաշկերտ՝ Պահլիվ փաշային կը պատկանէին, Պիթլիս և Տիարպէքիր՝ Պէտրիխան պէին ևսլին:

Մինչև 1848ը Հայերու և Բիւրդերու յարաբերութիւնները շատ բարեկամական էին, Բիւրդերու և Հայոց մէջ ամուսնութիւնները ցանցառ չէին: Այն պարագային՝ պսակը Հայոց եկեղեցւոյ մէջ հայ քահանայէն կը կատարուէր, Բիւրդերը հայկական սրբութեանց և հոգևորականութեան հանդէպ մեծ յարգանք կը տածէին. իրենց աղօթքը Հայ եկեղեցւոյ մէջ կը կատարէին:»

Կը յիշատակէ Սուլթան Մէճիտի քրդական բէգերու հետ մերձեցումն առաջ բերելը դիւանագիտական միջոցներով, ու յետոյ Պէտրիխանի վրայի արշաւանքը, որմէ յետոյ Պայաղիտի Պահլիվ փաշային ևս կալանաւորուած ու փոքր-Ասիոյ քաղաքներէն մէկի մէջ աքսորուած:

(**) Մեքիքզատեանի մասին տես մեր «Վանկուլինները»: